

## TITO

### Paulo Ovoli Kĩ Etselε Ema Tito

<sup>I</sup> Ovoli kīĩ to yī, Paulo, kī ĩnyε Baguma ɔsumunε, mɔ Yesu Kristo foto ɔnyanε sekε. Baguma pau yī ade edo yī kī mbumena bati a kī epau a, ntsa be ɔnɔkɔali a kī boe katekado ɔsum atsa a. <sup>II</sup> Ade ɔnɔkɔali kale ne nkpā kī elá kawūna a akū a. Baguma kī yaáama fɔvā a mɔawε lema boe kale a kī ekena eyi fɔmɔ ekena katinya kame a. <sup>III</sup> Ne lɔkɔ a kī epau eyi akū a, enyε ye Kale Wī a kanya ne ye kale a kī mabi mi ne awī a kame. Bekɔa fukīĩ bido ne yī awε kī nde letsā ne foe akū ne Baguma boe ɔtenε dī akū.

<sup>IV</sup> Yī obi wī Tito, matselε nɔ ovoli kīĩ, kitonekī bɔnyε ɔmɔa ne boe katekado a kame. Boe ɔlεga Baguma mɔ Kristo Yesu boe ɔtenε, bεmɔ nɔ kɔnya, bekpa nɔ lukudɔ lemε.

#### *Paulo Kpa Tito Adzuma Adi Ne Kreta.*

<sup>V</sup> Nkɔa nɔ ndzina ne Kreta ayekī aalɔla fɔtsa a kī fute a kakena. Mawε kī pau asɔli banɔkɔε ne ɔmato odi nyε odi kame ndε ayekī ntsa nɔ a. <sup>VI</sup> Ketánε kī bamɔ mfumsu ne bate badone ɔnɔkɔε akū. Kene kī enya oti kī ekɔā ɔtsɔ mɔape, ade kene kī ye babi lemε benya bate badone, betanya bati kī bideĩ atɔ ɔsī ĩye baábu fɔkɔ. <sup>VII</sup> Ne ayekī asɔli bate badone lɔtɔ ɔnyanε adā Baguma adzuma akū sū ni, ketánε kī bεmɔ mfumsu ne ye akū. Ketánε kī yata akū, ĩye ekana kalɔkpa mɔatse mɔatse, ĩye ekamɔa bave kawuga, ĩye enya oti kī yadā kitikiti, ĩye eyɔɔla anε ne sika

akū. <sup>VIII</sup> Kene kī epuli ete banovōē, ewe letsa kī lenene, epi ye akū kapi wī. Kene kī enya oti kī edeī obla wī, kī efī lēlāa ye akū ade yapuli kanya ye akū leme a. <sup>IX</sup> Kene kī yapi onokwali kale a kī bote budo a, kī fuketi mo fotsa katsa a ele. Ade osi kī akū yaatsā epuli etsa fotsa wī, ekado bati bebā kobē, lokoa enye bikī biyidza bedza ne kale a akū nfumusu etsa be.

<sup>X</sup> Male fukī kitonekī bati pii, titiliwu Yudafō a kī bete bido a, deī ato osī, betse bale tuwuli pupulidza, kake bati leme. <sup>XI</sup> Kene kī asua be osi befō foe odu katsa, kitonekī belamena bati adzuni kade kabula ne be katekado kame. Betsemo fotsa kpa kī ketāfeta kī betsa a katsa, ne sika fuu sū. <sup>XII</sup> Kretani odi kī enye be onukpē onyene lele kī, “Kretafō nye bavālevā bati daa, bayae kpa kī bideī ablo, banyakpane mo banyonepo leme.”

<sup>XIII</sup> Foletsa a kī ele a nye onokwali. Ne foesū kā be ane mo osī mo osī ayekī baana katekado kī kideī osī. <sup>XIV</sup> Fukī aafō benye ato ne Yudafō foletsa mewa mo mbla a kī bikī bisī kale wī a atsa a. <sup>XV</sup> Letsa nye letsa adā yedede kakpa bikī be moawe towole kame kpale, leme bikī be moawe akū tákpale, kī betáte bido leme ni, letsama lādā yedede kakpa be, kitonekī be adzuni mo towole kame tákpale. <sup>XVI</sup> Bati kī odu aboa owole kī binyina Baguma leme be fokelatsa atsa kī bisī ye. Benye bati kī be akū deī libe, kī baábu foko ade betāfeta bekpa letsa wī lidima kakena a.

## II

*Tsa Katekado a Ne Osi Wī Akū.*

<sup>I</sup> Leme no kō ni, tsa fōtsa a kī fuketimo katekado fōtsa katsa wī a. <sup>II</sup> Tsa banyolenokōē a kī bidzi mo ane yedede ne kadikanyi mo be akū kapi wī kame. Benya bati kī bedzē pintii ne be katekado kame, bati kī bidei bati akū odo mo bikī bado owole. <sup>III</sup> Ade ayea batsole banokōē a leme ni, tsa be kī bidzi nkpā kī efeta batsole kī be akū kpale. Ketáne kī banye bati bui, iye bekawuga bave, mbom kene kī betsa bati letsa kī lenene, <sup>IV</sup> betsa bayitsō kī bidzi fonyo ayekī baawe be banyo mo be babi kale. <sup>V</sup> Kene kī binyi ayekī bapi be akū, bekena be akū ekpale lokoa benya batsō wī kī badola be akū kakpa be banyo. Fukīi aafō odima lelāale tuwuli kpa ne Baguma kale a akū.

<sup>VI</sup> Ade osi moape a akū atsā ode bapopo leme benya be akū akū a. <sup>VII</sup> Ne foe flee kame a, kene kī no moawe a anya oti kī ye obla wī bati akole. Koa ane ovio katsa fōtsa ne onokwali kame. <sup>VIII</sup> Bi bati tuwuli ne osi kpīi akū ayekī belāanye no nfumusū. Fukīi aafō konyōā liwo no bakesīne ne ayekī belāana letsa kpa bele ne boe akū sū.

<sup>IX</sup> Bati kī basum badi ni, bedola be akū bekpa be balate, bekena fōtsa a kī fōawo balate a ane. Ketáne kī bakpa onukpē bekpa be. <sup>X</sup> Ketáne kī baye be leme, mbom betsa be akū kī benye bati wī, ade badi onokwali kī baapuli bete be bido a. Fukīi aafō bekōa obu bekpa boe fōtsa katsa ne Baguma boe Otene a akū.

<sup>XI</sup> Kitonekī Baguma nye ye konyakamo a kī edei ekpa katinya kame bati nkpā kate a etsa. <sup>XII</sup> Konyakamo kīi atsa boe kī bofone nkpā kpa kadzi mo katinya kame fōtsa kpa liti katomena

awε. Kεne kī boadzi nkpā kī bóanya boe akū, budzi nkpā wī ne katinya kīi kame. <sup>XIII</sup> Ade osi kīi akū bóatsā bokadzole Luwi kpale a kī boadā anε a. Ade luwi kīi akū mo boe Baguma Kpale, mo boe Ɔtεne Yesu Kristo aane ne kukūkpale kame a. <sup>XIV</sup> Ekɔa ye akū ekpa ne boe lolɔ kī yanye boe etomena tokpa flee kame, ekena boe bati kpalewa kī benye ye odi bade a kī boawe kī bakakena tuwī. <sup>XV</sup> Tsa fɔtsa kīi bame mo kobē a kī Baguma kpa nɔ, kado bikī batse nɔ a kobē. Kā bikī bitómɔ osi kīi akū a anε. Tafɔ be kame odima lemɔ nɔ ndε oti kī etákpɔla.

### III

#### *Kaakena Tuwī Kī Taana Nfasɔ Tekpa Bati Flee.*

<sup>I</sup> Te be anε kī bedɔla be akū bekpa abāā mo bati a kī banya be akū a, bitse be kale, bena ne kukūmanε kame bekena tuwī ne osi nye osi akū.

<sup>II</sup> Bi be kī betale tokpa ne odima akū, mbom bidzi ne lukudɔ mo tokɔba kakena kame. Bekaaɔa obu kakpa odi nye odi.

<sup>III</sup> Kitonekī kɔkɔε a, boe moawe malo bokena fokɔasiatsa mo ato osī, ade boyela osi wī a. Kɔkɔε lemε a sukena fowetsa kpa mo kawɔlekamo futefute nya boe akū. Bokɔa boe loko bokpa fɔtsa kpa kakena mo anε kayɔla. Bati badi kesī boe ade boe malo bukesī be a. <sup>IV</sup> Lemε kī Baguma boe Ɔtεne nye ye sεmε kale mo kawε etsa boe a ni, <sup>V</sup> εte boe nkpā. Nné boe tuwī a kī bokena sū, mbom ye moawe konyakamo sū εte boe. Efɔ Hūhū Kpalewa yako ne boe akū, elɔla boe kama, ewɔla boe mui ade ekpa boe nkpā vɔē a. <sup>VI</sup> Baguma tsā Yesu Kristo boe Ɔtεne akū

εκῶα ye Hūhū Kpalēwa kōbē pii a eko ne boe akū, <sup>VII</sup> ayekī ne ye seme kale sū bomo ye kayite kele, lōkōa boe malo bōna nkpā kī elá kawūna a, kī ye akū leme budeī kōnete a. <sup>VIII</sup> Kale kīi nye ɔnokwali paa.

Mawe kī le kasisa fōletsa kīi bame ayekī bikī bete Baguma bido a aakōa be lōkō bekpa tuwī kakena kī fudeī nfaso fōkpa odi nye odi.

<sup>IX</sup> Tado onukpē ne fōkōasiatsa kavele kame, ne bati kasinu katokō kakā akū. Tawe sowa ɔkena ɔdze iye ɔte atsindze ne Yudafō mbla a akū. Foe flee fōlá nfaso adima. <sup>X</sup> Nte oti odi ayamena kasē ne bati kame ni, sua ye osi deedi iye titi nviã. Ne ke liti a, tabuki odo ye onukpē. <sup>XI</sup> Nyi kī oti a na odu ni, tōkpa nya ye kamekame ade ye titikpa aako ye koto a.

### *Kode Nkae Kakpa Mo Kakla.*

<sup>XII</sup> Nte ndo Artema iye Tihiko ne no sekē ni, boā mbodi kayawo yī sekē ne Nikopoli, kitonekī ade awā mawe kī maadzi ne osili lōkō a. <sup>XIII</sup> Boā mbodi kanye Sena kī enye fōletsa ɔzēne a mo Apolo osi benaa be osi akū. Dā kī bēna letsa nye letsa a kī laasī be. <sup>XIV</sup> Kēne kī bate badone a bekole ayekī baakōa be lōkō flee bekpa tudzuma wī kakena, kī baapuli bekabumo bati bebā leme. Betadzi nkpā kī elá nfaso.

<sup>XV</sup> Bati flee a kī bideī ne yī sekē ne awī a awōna nō! Wōna bate badone a kī bideī ne awā kakpa boe.

Baguma emō mi flee kōnya.

**Baguma Apam Vɔɛ a Tuwuli**  
**Tuwuli: Baguma Apam Vɔɛ a Tuwuli New Testament**  
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 21 Feb 2024 from source  
files dated 29 Jan 2022

68df0193-2981-5275-8994-8f743fe01e5e